

FAMALOSIA

**AGNZ
NATIONAL
CONFERENCE 2026**



ASSEMBLIES OF GOD
CHURCHES IN NEW ZEALAND INC

**TATALO MA LE ANAPOGI
31 AUKUSO – 20 SETEMA**

**SAMOAN
TAIALA O TALOSAGA**

Kia Ora

Ou te ofo alofa ma faatalofa atu i le Suafa o Iesu Keriso.

E avea ai a'u ma sui o la tatou Komiti Faafoe, e momoli atu ai le agaga faafetai i la outou lagolagosua i lenei faamoemoe o le 21 Aso i le Tatalo ma le Anapogi.

O le i ai i la tatou Komiti Faafoe fou, ua toeitiiti atoa le tolu tausaga talu ona tatou i ai i lenei faamoemoe, o le faaluaina o o tatou tulagavae. O upu sii mai le Fono Faavae a Ierusalem e lelei ia i tatou ma le Agaga Paia e faapea, 'O le nei vaitau ua tatou i ai i le taimi ua tataua ona 'faamalosia' ai o tagata talitonu, o taitai, ma faapotopotoga i totonu o lo tatou lotoifale.

O loo faaalua e le Filipi 4:11–13 nei upu matagofie.

'Ua aoaoina a'u ina ia faamalieina, i soo se tulaga ou te oo i ai. Ua ou iloa ona faamaulalo, ma ua ou iloa foi le mauoa. I soo se mea ou te i ai, ua aoaoina a'u e feagai ma ia mea, o le mau ma le fia ai, o le tele o mea ma le manaomia o se mea. Ou te mafaia mea uma lava, i le faamalosi mai o Keriso ia te a'u.'

Sa tusia e Paulo ma le mautinoa, e ala i aafiaga tiga faaletagata lava ia, na ia 'iloa' ai le auala e maua ai le malosi mai le Atua, ma taitai atu ai i le faamalieina e tusa lava po o le ā le tulaga e oo i ai. O le vaega lea o lo o saili e le Atua e foaiina mai ia te i tatou uma, ina ia avea i tatou ma lamepa pupula o le faamoemoe, ina ia vaavaai ia i latou o lo o siomiaina i tatou.

Ae tataua foi ona ou faaopoopo atu, e leai se auala puupuu iinei. O le tele o taimi, tatou te lagona le lelavavā, o le faavaivai, ma le leai o se mea tatou te toe avatua. Ae ui i lea, e valaaulia le faatuatua, ina ia 'tuu' atu i le Atua e faia lona finagalo, e mafai foi ona tatou faapea atu, 'Ou te mafaia (ma o lo o ou a'oa'o pea) e mafai ona ou faia mea uma lava i le faamalosi mai o IA ia te au'.

Tau ina ia faatumuina i tatou e le Atua, i Lona alofa mutimutivale, o le onosai ma le malosi, o le olioli i le faamoemoe, ma le iloa ona tatou tatalo faatauanau ma le faatuatua, tatou te mafaia ai mea uma lava.

Ia manuia lenei 21 Aso, ma ia faasilisili lava le Atua i mea uma tatou te faamoemoe i ai.

Amene

O Terry Bradley
Taitai Aoao o le AGNZ



“E te le iloa ea? E te lei faalogo ai ea? O le Atua o le vavau, o le na faia tuluiga o le lalolagi, e le vaivai o IA, e le tigaina foi, e le masuesueina lona mafaufau. Na te avatua le malosi i e ua vaivai; a o e ua lei se malosi, na te faatuputele i ai le malosi. E vaivai ma tigaina tama matutua; o taulelea foi, e pauu lava i latou; a o e faatalitali ia leova, e toe faafouina lo latou malosi; latou te sii ae apaa e pei o aeto; latou te femoei, a e le vaivai; latou te savavali, a e le tigaina.” Isaia 40: 28–31

Manatu Autu o Talosaga

- Agaga Paia e, matou te faamaualalo, ma faailoa lou mana ma lau pule io matou olaga. Ua faafilemu o matou loto ma o matou lagona. Matou te talosaga atu, sei e taitaiina l matou, ao matou i ai i le taimi ua faatauaina: “Le Tatalo ma le Anapogi.”
- O lo matou naunautaiga ma le tatalo, ia tatou feiloai pea ma Oe ma ia matou iloa atili Oe i totonu o o matou tagata lilo. Ua matou ole atu i Lau Afio, ina ia auai lou Agaga i totonu o a matou ekalesia ma le malosi o lou mana, ao matou o faatalitali faatasi atu ia te Oe.
- Le Tama o i le lagi, tatala la matou faalogo ina ia o matou lagonaina Oe, ma faamagalo lo matou faagaloina o lou agalelei ma lou alofa mutimutivale. Ua matou ta’uta’u atu ia te Oe fua o le ola i lo matou lava malosi, o o matou vaivaiga ma le faavaivai. Matou te tautino atu, “o le faamoemoe o le fono a le Faapotopotoga a le Atua i Niu Sila nei, ‘O Iesu Keriso’. Ua fausia lo tatou faamoemoe, i le lei o se mea.”
- O Misiona Faalotoifale/Faale–atunuu/Lalolagi i fafo:
la faailoa atu faamanuiaga a le Atua i Tina, o Tama ma le olaga faaleaiga i totonu o lou nuu/taulaga.
la siitia ma tuuina atu i le Atua Faipule uma ma i latou o lo o galulue i totonu o la tatou Palemene, ma ia tautau atu foi i latou o lo o fai ma sui o lau au palota.
la tatou tatalo mo le puipuiga a le Atua i la tatou faiga palota o lo o lumanai nei, i alii ma tamaitai o lo o latou faataunuuina, ina ia faia le filifiliga i le sa’o atoatoa ma le faamaoni i le palemene a Niu Sila. la tatou tatalo mo Ps Freedom Aiga a’o ia taitaia le au a alii i la tatou Matagaluega, ma tuuina atu ai ina ia faatuina e le Atua ni alii malolosi faaleagaga e auuina i o tatou aiga, o pitonuu taitasi, o a tatou ekalesia ma fale faigaluega o lo o galulue ai.
Tatalo mo Julian & Monica Hawken (Saina, NZ–based) O Robert & Margaret Hunt (Filipaina, NZ–based) O P & J L (Middle East).



“Ua oo atu Tavita ma ona tagata i le aai, faauta, ua mu i le afi, a o a latou avā, ma o latou atalii, ma o latou afafine ua tāfea i latou. Ona fetagisi ai lea o Tavita ma le nuu sa ia te ia, ua leo tetele, ua oo ina le toe lavā ona tagi. Ua tāfea foi avā a Tavita e toalua, o Ainoama le Isereelu, ma Apikaila le avā a Napalu le Karamelu. Ua atuatuva tele lava Tavita, auā na tautala le nuu e fetogi ia te ia i maa, ina ua tiga loto o le nuu uma taitasi i ona atalii ma ona afafine; a ua faamalosi Tavita lona loto ia leova lona Atua. Ua fai atu Tavita ia Aviata le faitaulaga, le atalii o Aimeleka. Ina au mai ia ia te au le efota; ona avatu ai lea e Aviata o le efota ia Tavita. Ona fesili lea o Tavita ia leova, ua faapea atu, Ou te tuliloa ea i lena ‘au? Ou te maua atu ea ia te i latou? Ona fetalai mai lea o IA ia te ia; ‘Tuliloa ia, auā e te maua atu ai lava, ma e maua mai lava mea uma.’” 1 Samuelu 30:3–8

Manatu Autu o Talosaga

- Le ALII e Iesu, ou te vivii atu ia te Oe ona o le faiga faapaaga a le Misiona ma le Ola Toefuataiga ua e tuuina mai i ekalesia o la matou Matagaluega Aoao.
- Faafetai mo le meaalofo o lou manumalo a'ia'i i luga o le satauro ma o le tala pito sili lea ona lelei ua lagonaina, faapea lou auina mai o a'u i lo'u nuu ma le mana ma le pule atoatoa mai ia te Oe. Ou te tautino atu, o lo'u malosi e sau mai le Tala Lelei o le malii ma le toetu o Iesu. E faamautuina lo'u talitonuga i le Tala Lelei ia Iesu Keriso, o le mana lea o le Atua na aumaia ai le faaolataga i tagata talitonu uma.
- Ua matou tautino atu, ua tuuina atu e lo tatou Tama oi le Lagi le Faapotopotoga a le Atua i Niu Sila nei mo IA lava. Ua valaauina i tatou e fausia faiga faapaaga ma le faatuatuaga e tausoa faatasi. O i tatou o ona tagata malolosi, tatou te malolosi i Lona malosi, ma na auina mai e IA o ē ua manumalo mo tagata o gagana ma ituaiga uma lava.
- Ua matou tautino atu foi e ala i la matou faasoa atu o le Tala Lelei, o tulagavae ma le aafiaga o le Faapotopotoga a le Atua i Niu Sila nei, e sili atu lona faaluaina i totonu o Aotearoa i le 2033... ina ia avea la tatou gaoioiga ma puna o faamanuiaga mo lo tatou atunuu ma isi tapuaiga.
- O Misiona Faalotoifale/Faale-atunuu/Lalolagi i fafo: la tatou tatalo mo le aufaipisinisi i lou taulaga/a'ai. la tatou siitia atu i le Atua le aufaasālalau a Niu Sila atoa, o e faasalalau i soo se ualesi faasalalau ma le au tusitala. la tatou tuuina atu i talosaga A & R M (Middle East), O M & D M (Middle East), O Kevin & Denise Reid (NZ-based)



“Ou te lei fai atu ea ia te oe? Ia e faamalosī, ma loto tele; aua e te fefe, aua e te mata’u; auā o leova lou Atua o lo o ia te oe i mea uma e te alu i ai.” Iosua 1:9

Manatu Autu o Talosaga

- Le Atua le Tamā, matou te faafetai atu i lou foa’iina mai o le malosi ma le lototele, matou te ta’u atu ai lau Upu i totonu o o matou nuu o lo o ola ma galulue ai. Ina ia mafai ona avea i matou ma ou siufofoga, e momoli atu Lau Upu ina ia fusifusia e o manuanua ma saili e o leiloloa, ma ia faia Lou finagalo i le lalolagi e pei ona faia i le lagi.
- Le Agaga Paia e, ia e faamalosia i matou ina ia o matou faia au afioga e ala atu ia te i matou, e oo lava i le vavaeeseina o le loto ma le agaga, o gaugatino foi ma aano o ivi, o lo o faamasino foi i manatu ma filifiliga o le loto i ē o faalogo i ai.
- E matou te tautino atu i tausaga a sau i totonu o a tatou ekalesia uma, o le a folafola atu le talalelei atoatoa, o upu ma galuega. O faailoga ma mea ofoofogia, o folafolaga o le a mulimuli mai; i le pule mamana a le satauro ma le soifua manumalo o lesu Keriso.
- Le Agaga Paia e, ua matou vivii atu ia te Oe ona o le avanoa ua mafai ai ona matou tutu i le va o Lau Afio ma le lalolagi le talitonu. Ia a’oa’o ma taitai mai i matou, ina ia avea a matou ekalesia ma fale tatalo i aai ma nofooga o lo o matou o aumau ai.
- Lo matou Atua e, ua matou ole atu i Lau Afio, ina ia faalautele ma faalolotoina lo matou malosi, e tatalo atu ai mo ē lē talitonu o lo o matou nonofo faatasi. Ina ia suatia le laufanua o nuu na e auina mai ai i matou e ala ia matou tatalo.
- O Misiona Faalotoifale/Faale-atunuu/Lalolagi i fafo: Ia e faamanuia i vaega o faatufugaga eseese/atinae taitasi i totonu o o matou aai/taulaga.
Ia tatou tatalo mo le aufaimusika, o tusitala ma e tusiata (pe a o e silafia o latou suafa).
Ia tatou siitia i luma o le Atua faamasinoga tausoligatulafono i Niu Sila nei, o le faia o le mea moni ma le amio sa’o i le matagaluega a leoleo, o loia, o faamasino, o ofisa o faanofovaavaaia ma ofisa o le faamasinoga. Ia tatou talosiaina John & Mary Elliott (NZ-based), O Jason & Judy Fawcett (Aferika i Saute).

“Ua vaai i latou i le faamalosia o Peteru ma loane, ma ua iloa o tagata e lei a’oa’oina i laua ma le valelea, ua latou ofo ai; ua latou iloa foi o i laua sa latou faatasi ma Iesu.”

Galuega 4:13

Manatu Autu o Talosaga

- Le ALII e Iesu, ua ou vaai ma ou iloa atu Oe i le asō. Ua ou iloa lou maualuga ma lou matautia, ua e faatoilaloina le fili ma ua ē manumalo a’ia’i.
- Agaga Paia e, faamolemole, faatumu mai i matou i lou tumu atoatoa i le nei aso. O lou fesoasoani ma lou faamalosia mai; ua ou mautinoa ai, e sili atu lē o i totonu ia te i matou nai lē o i le lalolagi.
- Ia tatou tatalo mo Ekalesia o ia tatou Matagaluega Aoao ina ia tulai mai ma le lototetele. O a tatou tapuaiga ma mafutaga o le a maua ai le lototetele, e faamalosia atu ai i o tatou afafine ma atalii. Ia faa’aupegaina lou lava aiga i aupega o lo o i ai le mana atoatoa mai le lagi, e faaumatia ma lepetia ai olo.
- E tatou te folafola atu le mana faaola o le toto paia o Iesu, e ufitia ai mea uma e oo mai i o tatou aiga, o a tatou ekalesia, o a tatou galuega ma lo tatou atunuu atoa. E matou te tautino atu foi, o le toto o Iesu e sili atu lona taua nai lo se isi lava mea ua tusia, pe tautalagia e fili o le Atua e uiga ia te i tatou.
- E matou te tautino atu e ala atu i tagata uma, o alii, o tamaitai, ma le tupulaga lalovaoa iā tatou ekalesia, o le a faatupulaia le i ai o le Agaga Paia. O le faatuatua ma le faaee atu o lima, o le a tatou vaaia ai le gaioti a le Agaga Paia e galue malosi e ala atu ia te i tatou, ina ia suia ai ni olaga.
- O Misiona Faalotoifale/Faale-atunuu/Lalolagi i fafo: la tatou siitia atu pulenuu ma a latou laulau-a-fono (faaleo i latou pe afai e te silafia i latou).
la tuuina atu nai puleaoga, o faiaoga, o faiaoga o aoga maualuluga ma iunivesite, ma e o lo o latou vaaia le saogalemu o alo ma nai a tatou fanau i totonu o Niu Sila atoa.
la talosia Colin & Jenny Ayling (Mozambique, NZ-based), O Val Bateup (Thailand, NZ-based), O Malcolm & Linda Bayliss (SE Asia, NZ-based)

“A e faapea ona ou loto malosi e tala’i le tala lelei i mea sa le ta’ua ai le suafa o Keriso; ina ne’i ou ati ae i luga o le faavae o se tasi tagata. A e peitai e faapei ona tusia, E vaavaai i latou o e na le tala’iina i ai le tala ia te ia; e lagona e i latou o e na le faalogo atu i ai.” Roma 15:20–21

Manatu Autu o Talosaga

- Le ALII e Iesu, ua matou ole atu ina ia iai ni ē latou te vaavaai o matou nuu e pei ona e faia, ina ia iloa le faaletonu o lo o i ai, ma ia maua le agaga o le alofa e fusia ai. Ua matou faatagisia Lau Afio, ona o si o matou atunuu, i nisi o nuu ua pei o mamoe ua leai so latou taitai; ua faatamaia ma leai se fesoasoani.
- Faamagalo i matou i lo matou faalotolotolua i nisi taimi, pe na matou mafaia ona foia nisi o faafitauli i na taimi? Ae ina ua matou mauaina Oe, o se fiafia sa faatauasoina i matou mai le malosi e tumu i le olioli e tali atu ai i o matou tuaoi.
- Faafetai Iesu, auā ua e faaalua mai ia te i matou le ‘auina atu ma le alofa, o le malosi ma le mana e totoina ai se nuu fou i le faatuatua.
- E matou te tautino atu i lenei Koneferenisi ma tausaga o i luma, o le Faapotopotoga a le Atua i Niu Sila nei, o le a iloa lana Matagaluega e ala i le alofa atu ia te i latou e le o iloa ma malamalama i lo tatou Atua.
- Ia suia o matou loto, ina ia susulu atili mai i ai le alofa naunau o le tasi i le isi, ma avea ma auala e le mafai ai ona teteeina atu e tagata lē talitonu.
- Agaga Paia e, matou te ole atu ina ia faatumuina la matou Matagaluega Aoao, i le alofa tunoa ma le lotomauualalo. Ia tatalaina faitotoa mo soo se valaaulia, o meaalofo uma i le olaga o aso fai soo. O le a latou tutulai ma auina atu i nofoaga e mafai ona faatutuina ai ni ekalesia fou, ina ia maua i Aotearoa i Niu Sila nei, se seleselega e tatau mo le taulaga ia Iesu.
- O Misiona Faalotoifale/Faale-atunuu/Lalolagi i fafo: Faaavanoa se taimi e faamanuia ma tatalo atu ai mo ekalesia mai isi ituaiga e lata ane i le pitonuu o lo o e aumau ai. Ia tatou ole atu i le Atua ina ia foai mai le poto ma le atamai paia, o le faau’uga fou mai le Atua mo Ta’ita’i o Ekalesia Kerisiano uma i Niu Sila.
- Ia tatou manatuaina Heather Bourn (Farani), O Max & Dorothy Chismon (SE Asia, NZ-based).



“Faauta, e manuia la’u Auauna, e matua faasilisiliina o IA, ma viia, ma matua faaneeneeina. E pei ona ofo o tagata e toatele ia te Oe, ua faaleaga faapea ona fofoga e sili i mata o tagata, ma lona tino e sili i tino o tagata; e faapea ona sausuina e IA o nuu e tele; ona o IA e punitia ai e tupu o latou lava fofoga; auā latou te vaaia le mea na le talatalaina ia i latou, latou te iloa foi le mea na latou le faalogo i ai”. Isaia 52:13–15

Manatu Autu o Talosaga

- Lo matou Tamā o i le lagi, faamolemole faamagalalo lo matou faavaivai ma le leai o se loto naunau, e tauave o matou satauro e pei ona sa faia e lesu lo matou ALII. Ua matou faatagisia foi lou alofa tunoa, o lou alofa mutimutivale, e matou te toe maua ai le faafouina o lo matou malosi. Ia e tuuina mai ia te i matou se faaaliga fou o lou agalelei, e mafai ai ona matou maua le loto salamo. Ia faitauina le tau, ia galue ma le poto, ia filifili le ala maulalo e toe amoina ai o tatou satauro.
- E matou te tautino atu, o le Faapotopotoga a le Atua i Niu Sila nei, o se matagaluega malosi ona o le mana o le Atua, ua suia ai o tatou tuaoi, o aai ma taulaga o si o tatou atunuu. O ona tagata ua saoloto le folafolaina o le talalelei ia Keriso, o fusifusi i e o loto momomo ma faamalolo i e o mamai.
- E matou te molimau atu foi le faauuina o Aposetolo, o Perofeta, o Faievagelia, o Leoleo Mamoe ma Faiaoga i la tatou Matagaluega Aoao. O le a faa’aupegaina tagata uma, o alii, o tamaitai ma le fanau ina ia avea ma tagata matutua faaleagaga o ni e selesele i le seleselega.
- Ia tatou talosia lo tatou Taitai Aoao o Ps Terry, ma la tatou Komiti Faafoe, ina ia foaiina mai ia te i latou le poto, o le atamai paia, o le malosi ma le lototetele, e taitaia ai la tatou Matagaluega Aoao i fuafuaga uma ua faataatitia.
- Misiona Faalotoifale/Faale—atunuu/Lalolagi I fafo: la tatou tatalo mo nai tagata faigaluega o lo o latou o vaaia le saogalemu lautele i totonu o taulaga ma aai o lo o tatou o aumau ai, faapea tagata fai pisinisi ma tagata asiasi mai i totonu o Niu Sila nei. Ia tuuina atu i talosaga Sam & Carol Soukotta (Indonesia), O Rod & Lynley Talbot (Aferika).



Aso Sa 6 Setema

ASO 7

“a e faafetai i le Atua, o le na te foaiina mai le manumalo ia te i tatou talu lo tatou ALII o lesu Keriso. O lenei, o’u uso pele e, ia outou tumau, ma le le faagaetia, ia alualu lo outou faamalosi i le galuega a le ALII ma le le aunoa ina ua outou iloa e le se mea faaleaoga lo outou tautiga i le ALII.” 1 Korinito 15:57–58

Manatu Autu o Talosaga

- la faamanuina Oe le Atua o le lagi, Le Tamā e mamalu ma paia, o le Atua e auai i mea uma pei foi ona e i ai i le misiona, o le Atua o lo o galue pea lava pea, i lea aso ma lea aso. O lou naunautaiga ia maua e tagata uma aemaise i latou o lo o leiloloa, auā o lou lea finagalo. Tamā, o a’u o lou atalii/afafine, ma ou te fiafia e faasoa ma tufa atu lenei Misiona (mDNA) e uiga ia te Oe. Tamā, ua ou tuuina atu ai lo’u tagata atoatoa, ina ia faia ma faataunuaina lou finagalo.
- Faamolemole faamagalo lo matou manatu faapito, o le fefefe ma le palaaai e ta’u atu lou lelei ma lou alofa, aemaise o le olioli i isi o matou uso–a–tagata latou te leiloaina Oe. la faamagalo i matou i lo matou leiloa ona faasoa atu au faamanuiaga i lo tatou va faafeagai ai.
- Ua matou tautino atu, mo le agai i le lumanai, o le a vaaia le Faapotopotoga a le Atua i Niu Sila nei, e pei o se autau malosi ua saunia mo le seleselega ua matua. O lo tatou faasinomaga lenei, o le avea o i tatou ma tagata faigaluega a le Atua, o se fale ua faufaatasi e tagata mo le faapotopotoina mai o atunuu mo le Atua.
- Ua matou faafetaia Lau Afio mo le siitia ma le auina mai o le Aposetolo, o le Perofeta, o le Faievagelia, o le Leoleo Mamoe ma le Faiaoga, e faameaalofaina ai la matou Matagaluega Aoa. Faafetai o lo o e faatuputupulaia le malosi e maua mai i le loto mauualalo, aemaise o le faalolotoina o le alofa i le va–o–uso, o avanoa e faaagaina ai a matou meaalofo e aunoa ma le manatu fia sili.
- O Misiona Faalotoifale/Faale-atunuu/Lalolagi I fafo:
la tatou tatalo ina ia maua i loto o e mafatia ma popolevale i mea o le nei olaga se faamoemoe ola, o e o lo o aumau i totonu o lou nuu/taulaga.
la tatou tuuina atu foi Aotearoa nei, ina ia liliu atu loto o fanau i o latou matua, ma loto o matua ia latou fanau.
Tatou talosia Hilary & Jackie Tumusiime (Uganda), O Robin & Margaret Aim (Kenya), O Peter & Helen Brown (Filipaina).



“Ua oo atu IA i lea mea, ona fetalai atu lea o IA ia te i latou, la outou tatalo ne’i oo mai le faaosoosoga ia te outou. Ona maliu ese lea o IA ia te i latou, e pei o le togi o le maa ona mamao, ona tootuli ai lea o IA ua tatalo, ua faapea atu, Lo’u Tamā e, a e finagalo i ai, ia e ave ese lenei ipu ia te au; a e aua le faia lo’u loto, a o lou finagalo. Ona faaali mai ai lea ia te IA o le agelu mai le lagi, ua faamalosi ia te IA. Ua puapuaga o IA, ua atili ai lana tatalo; o lona afu foi ua pei o ‘alu’alu toto ua paū ifo i le eleele. Ua tulai o IA sa tatalo, ona maliu atu lea i ona soo, ua maua i latou ua momoe ina ua tiga i le alofa. Ona fetalai atu lea o IA ia te i latou, Se a le mea tou te momoe ai? Ina tulai ia, ina tatalo, ne’i oo mai le faaosoosoga ia te outou.” Luka 22:40–46

Manatu Autu o Talosaga

- Ou te faafetaia Oe Agaga Paia, i le malosi o lou mana e faataunuaina ai o tiute tauave na e tuuina mai ou te faia. Lo’u Tama e, ia faia lou finagalo ae aua nei faia lo’u loto. Faafetai, auā ua olioli lo’u agaga, ina ua e auina mai agelu e faamalosi i lo’u tagata, faapea o’u uso–tuagane/tuafafine. Ou te tatalo ina ia ou mamao ma faaosoosoga e ono o’u pau atu ai i le leaga, a ia ou maua le Agaga e faamalosi ai la tatou ekalesia.
- Faamagalo mai i matou pe a oo mai lo matou vaivai, o lo matou paie ma le faapalapala e tatalo ma ua ave ma auala ua matou le maua ai le agaga ma le mana iā matou talosaga. Foa i mai ia te i matou le alofa tunoa fou ma le naunautaiga, ina ia faafouina pea e le aunoa le mafutaga vavalalata ma Lau Afio e ala i le tatalo.
- I la tatou Matagaluega Aoao, o le agaga o le tatalo e faia i le loto mauualalo i luma o le Atua, ina ia faaavanoaina mai ai le lagi. Ia taitaiina a tatou ekalesia taitasi uma, i le tatalo ma le anapogi auā le seleselega. E maua ai foi e i tatou le loto faamalosi ina ia maua meaalofo, ina ia faaauaina pea le misiona ma auaunaga i totonu o falefaigaluega, o pitonuu ma ekalesia o lo o ua tatou o nonofo ma alala ai.
- O Misiona Faalotoifale/Faale–atunuu/Lalolagi I fafo:
la tatou tuuina atu ina ia liligi mai le Agaga Paia i le pito i lalo o le Motu I Saute. Ia tatou siitia atu Ps Peter Neklen ma le vasega o faafeagaiga uma i totonu o lona pulega, ina ia i ai le faauuga mana a le ALII, ia ufitia ma puipua i latou i le mana o Lona toto paie. Ia Tatalo mo ana faamanuiaga i luga o lo tatou Taitai Aoao, o Ps Terry, ma le Faletua ia Rowena Bradley, ina ia maua le lototele, o le faatumuga a le Agaga Paia, o le poto ma Lana puipuga mo i laua.
la manatua Kay Fountain (Asia Pacific, NZ–based), O Allen & Elizabeth O’Loughlin (UK), O Doug & K@linda (SE Asia), O M & K T (SE Asia).



“O le mea lea ou te tootuli ai i le Tamā, o lo tatou ALII o Iesu Keriso, o IA ua faaigoaina ai le aiga uma o i le lagi atoa ma le lalolagi; ina ia foaiina ia te outou e tusa ma le faulai o lona viiga, ia faamallosia outou i le mana e lona lava Agaga, i le tagata i totonu.” Efeso 3:14–16

Manatu Autu o Talosaga

- Le Atua le Tamā, e ofo o matou loto i lou faamaoni aemaise o au folafolaga i la matou Matagaluega i le tele o tausaga. E ao ai ona matou faafetaia Lau Afio, auā sa e faasaoina i matou o se nuu mo Oe.
- E matou te faafetai mo le vaai mamao, o le faaaliga, o le alofa tunoa ma le malosi na e tuuina atu i le Mafutaga a le Faapotopotoga a le Atua i le Lalolagi I Fafo, e faaluaina ai le aofaiga ao lei oo atu i le 2033.
- Agaga Paia e, I le ava ma le migao, matou te faatagisia Lau Afio, ina ia aua nei o matou manatu e tupu lenei mea ona o lo matou malosi, ao lou Agaga. Foai mai Tamā le malosi silisili mai lou mamalu i o matou tagata, ina ia malosi ai o matou tagata lilo. Ia matou iloa foi ona faamaualalo o matou loto, ma gauai atu i ou ala, ma faamamao i o matou manatu le faalagolago ia te i matou lava.
- Tamā! Faamolemole, faailoa mai le vaega o lo’u olaga, e le o ola ai le ALII o Iesu Keriso. Afio mai e faailoa mai ni ala leaga o lo o i totonu ia te a’u.
- Afio maia i totonu o a matou ekalesia e aumaia le lototele, ae talepe ma soloia i lalo pa vaeloto o o matou loto e le o i ai le faapaiaina; e tusa ai ma lo matou valaauina ina ia auina atu i matou.
- E matou te tautino atu foi i lenei koneferenisi, ma le Faapotopotoga a le Atua i Niu Sila nei, o lo o i ai i la tatou Matagaluega Aoao, le malosi atoatoa ma le mana o le Atua Soifua.
- Misiona Faalotoifale/Faale-atunuu/Lalolagi I fafo:
- Ia tatou talosia le liligi mai o faamanuiaga a le Agaga Paia i luga o le Ogototonu o le Motu i Saute. O Lana puipuiga ma Lana faauuga mana i lana auauna ia Ps Jonathan Hales ma faafeagaiga galulue uma o lona itulagi. Ia tatou Tatalo mo Ana faamanuiaga, o Lana faalototele, o Lona tamaoaga, ma le poto uma lava i luga o lo tatou Sui Taitai Aoao, ma o le Taitai foi lea o Ekalesia Samoa, le Susuga ia Aila’ula’u ma le Faletua ia Nancy Faletutulu. Ia faaluaina faamanuiaga a lo tatou ALII, i luga o ekalesia a o tatou uso Samoa uma, aemaise o le faaauauina pea o le faatutuina o nisi ekalesia Samoa.
- Tatalo mo John & Linda Watson (NZ-based), O D & P W (SE Asia), O Ken & Erla Virtue (Filipaina).



“O le toe upu lenei, le au uso e, ia outou tatalo mo i matou, ia tele vave ma ia mamalu le afioga a le ALII, e faapei ona fai ia te outou; ia laveaiina foi i matou ai tagata amio leaga ma e agasala; auā e le o i tagata uma le faatuatua. A o lo o faamaoni le ALII, na te faatumauiina outou, ma leoleoina ina ne’i leaga. Matou te faatuatua foi i le ALII ia te outou, o lo o faia e outou o mea na matou fai atu ai ia te outou, i le tou te faia pea lava; ia ta’ita’i tonu foi e le ALII o outou loto i le alofa o le Atua ma le onosai o Keriso.” 2 Tesalonia 3: 1–5

Manatu Autu o Talosaga

- E momoli atu le agaga faafetai Tamā, i le alofa finafinau mo lo tatou ALII o Iesu Keriso, na IA faaosofia o matou tina ma tamā faaleagaga, e tuuina atu o latou soifua, e fai ma molimau a le Agaga Paia i totonu o Aotearoa nei.
- Le Atua le Tamā, ua matou toe ole atu i Lau Afi, e pei ona e faamumuina muamua le afi o le Penetekoso i o matou matafaga... O le a e toe faatupuina le uluai alofa i totonu o a matou ekalesia, ma faailoa mai le mafuaaga ua noatia ma fefefe ai manatu o nisi o i matou.
- Le ALII e Iesu, matou te momoli le agaga faafetai, ona o lo o mumu pea le afi o le Penetekoso i tamā, o tinā, o tama ma teine talavou, o Gagana uma mai ituaiga eseese faapea le tupulaga lalovaoa i totonu o lenei atunuu.
- Ua matou tautino atu, o aganuu eseese, o auga–tupulaga, o faamanuiaga ala eseese mai i le Atua, Le Tamā o lo tatou ALII o Iesu Keriso, o lo o i luga o la tatou Koneferenisi, ma luga o la tatou Matagaluega i tausaga a sau.
- Ua matou tautino atu foi, o le amataga o se vaitau fou o le faatuatua ma le faamoemoe ia Iesu Keriso mo Aotearoa i Niu Sila nei. O le a lagi se pese fou i laugutu o tagata Niu Sila, o se pese e olioli ma fafia i ai i le agalelei o le Atua, ma mea uma na saunia ma tapenaina e Iesu Keriso.
- Misiona Faalotoifale/Faale–atunuu/Lalolagi I fafo:
la liligi mai au faamanuiaga Agaga Paia i luga o le Motu I Saute I Luga. Ia tatou tuuina atu le puipuiga ma le faauuga a le Atua ia Ps Ross Ferguson ma faafeagaiga galulue uma o Iena Pulega. Tatalo mo Ana faamanuiaga, o Lana faalototele, o Lona tamaoaiga ma le poto uma lava i lo tatou sui o le Komiti Faafoe, ma o le Taitai foi o le Te Roopu Māori, o Ps Mina ma Dennis Acraman. Ia faalua mai ana faamanuiaga ia tatou Ekalesia Māori uma, ma ia i ai le saolotoga e faaauuina ai pea le faatutuina o Ekalesia a o tatou uso Māori.
Ia tatou talosia Solomon & Sola Chand (Nauru), O J & C M (SE Asia), ma Hamish & Haidee Betts (Singapore).



Aso Tofi 10 Setema

ASO 11

“A e maua e outou le mana, pe a afo ifo le Agaga Paia i luga ia te outou; e fai foi outou ma molimau ia te au i Ierusalem ma lutaia uma lava, ma Samaria, e oo lava i le tuluiga o le lalolagi.”
Galuega 1:8

Manatu Autu o Talosaga

- Le Atua le Tamā, matou faafetai atu mo le auina mai o le Agaga Paia, ma le Fauautua Matagofie, le taiala tau misiona, o lē na te faamalosia i matou i lou mana malosi i totonu ia te i matou, e faato'ilaloina ai galuega a le tiapolo.
- E matou te tautino atu, e leai se mea e mafai ona taofia ai ma faaaauaina ai le liligi mai o le Agaga Paia i totonu o Niu Sila nei. O le a suia lau ekalesia o se fagupa'u fou ma sauniuni mo le uaina fou.
- E matou te tautino atu foi le faatutuina o ni ekalesia fou, ma ni faatuatuaga fou i totonu o lo tatou atunuu atoa. I tausaga a sau, e te foa'iina mai ai ia te i matou le alofa tunoa, mo le faia ai o le galuega o le faasooina. O Soo foi o le a auina atu, o ni tagata faigaluega e seleseleina le seleselega ma faasooina atunuu.
- E matou te folafola atu foi le tatalaina o noataga o pologa, faasaolotoina e o fetuu, faamalolo i e mamai, ma faamai eseese i le mana o le toto o Iesu. Ia ufitia foi luga o lo matou laufanua i le mana o le toto o Iesu Keriso. O le mana o le suafa pele lava lea o Iesu, tatou te fusifusia ma saisaia ai galuega a le fili ma le tiapolo ma tutuli ai temoni.
- Misiona Faalotoifale/Faale-Atunuu/Lalolagi I fafo:
Faamanuia ma liligi mai Lona Agaga Paia i luga o le Pulega a Ueligitone. Ia tatou talosia ina ia i ai Lana puipuiga ma Lana faauuga ia Ps Malcolm Bayliss ma faafeagaiga galulue uma o lona Pulega. Ia tatou siitia le Kolisi o Alpha Crucis, ina ia faailoa ana faamanuiaga i augatupulaga uma o lo o agai atu i ai, e a'oa'o ma suesueina ai le Afoga Paia a le Atua, aemaise le malosi o le Mana o le Agaga Paia i luga o lenei Kolisi.
Ia tatou tatalo ina ia alofagia le Faatonu Sili o Ps Leeana Kukutai ma le aufaigaluega uma a le Kolisi o Alpha Crucis, ina ia faalauteleina lo latou malamalama, faalolotoina le poto ma le atamai, ma faatupulaia le malosi faafouina, e ala i le fiafia e sailiili i Lana Afoga Paia.
Ia tatou tuuina atu Philip & Sarah Hawken (Kenya), O D & H F (SE Asia).

TATALO MALE ANAPOG



“O lenei, o sāvai i matou a Keriso, peiseai ua aioi mai le Atua ia te outou e i matou; matou te ole atu, o sui i matou o Keriso, ia outou lelei ma le Atua!” 2 Korinito 5:20

Manatu Autu o Talosaga

- Le Atua le Tamā, matou te ifo atu i ou luma, ma tuuina atu ia te Oe Lou viiga, o le mamalu ma le faaneeneega; ona o mea ua e faia ma e folafolaina mai e te faia i totonu o o matou aiga, i o matou taulaga/aa, i matou ekalesia ma lo matou atunuu.
- E matou te momoli le agaga faafetai i Lau Afio, i lou faamalositia o i matou e ala i lo matou galulue faatasi, e faia se mea fou i la matou Matagaluega. Tamā, faamolemole fa’auau pea lou lelei i totonu ia te i matou, ma ia toe faauma mea na e amataina. Ia e alofa mai ma ia faasusulu mai ou fofoga i totonu ia te i matou i le nei koneferenisi ma le lumanai. Ona o lou suafa, faamolemole faataunuu au galuega loloto ma ia e tumau i totonu o a matou ekalesia.
- Lo matou Atua e, tuuina atu le agaga faafetai mo tagata o le nei atunuu o Aotearoa. Faafetai i ona Tagata Whenua, o e na faalogo ma talia le talalelei ma auina atu loa le ‘au tala’i ma amataina ona faia le galuega ma faatutuina ekalesia, ina ia lepetia galuega a le fili. Faafetai i le Afi o le faafouga lea na mumu saesae ma sosolo atu i ituaiga (iwi) ma auaga (hapu) uma o lenei atunuu; ina ia omai ia lesu e maua ai le ola i Lona Suafa. Ua matou valaau (karanga) atu, i ituaiga uma o Māori i totonu o le nei atunuu, ina ia omai ia lesu, auā o Lona Suafa e maua ai le Ola.
- Le ALII e lesu, matou te faafetai atu ona o se vaaiga fou ma fuafuaga fou e fai ma auala, o le faasoolina ma le faatutuina o ekalesia. E matou te siitia atu foi a matou ekalesia uma, o le alaga a ē ua nutimomoia, o ē o tigaina, o ē o mafatia, o ē ua leai ni aiga, o le a vaaia e mata ma lagonaina le alofa. O la matou augani ma le faatoga, “Le ALII e, ia e faamalosi mai ia te a’u, ina ia auina atu a’u ma lou alofa, auina atu a’u ma lou alofa tunoa, auina atu a’u ma le faatuatua i mea tutupu ma le mana e faasaolotoina ai ē ua faatagataotauaina”.
- Misiona Faalotoifale/Faale-atunuu/Lalolagi I fafo: la sasaa mai au faamanuiaga, o lau faauuga Agaga Paia, ina ia toia ai lau aufaigaluega uma i le Talafatai i Sisifo o le Motu i Matu. Ia tuuina atu Ps. Paul Cornish ma faafeagaiga galulue uma o lena Pulega, ina ia i ai le puipuiga ma le faauuga a le Atua ia te i latou. Tatalo mo Ps Pip Batten, o ia o le Taitai o le Mafutaga a Tina & Tamaitai i la tatou Matagaluega, aemaise ia siitia le malosi faaleagaga ma le mana i tina ma tamaitai uma, e auaina atu ai i o latou aiga, o pulega, faapea ekalesia ma galuega o lo o galulue ai. Tatalo mo ana faamanuiaga, o Lana faalototele, o Lona tamaoaiga, ma le potou uma lava i lo tatou Sui o le Komiti Faafoe, o Ps Sanjai & Sunitha Kandregula.



“Ia e faamalosī, ma ia e loto tele; auā tou te o ma le nuu nei i le nuu sa tauto ai leova i o latou tamā na te foaiina atu ia te i latou; e te tofitofia foi mo i latou. O leova foi, o IA na te savali i ou luma; lua te faatasi ma IA, na te le tuuna oe, na te le lafoai ia te oe; aua e te fefe, aua foi e te mata’u.” Teuteronome 31: 7–8

Manatu Autu o Talosaga

- Le ALII o le seleselega, matou te faalogo atu i lou valaau mai ia te i matou. O i matou, o le Faapotopotoga a le Atua i Niu Sila nei, ua faitau le tau, ma matou faapea atu “IOE! MATOU TE TOTOGIA LE TAU”. O le a matou o, o ni Aposetolo. O le a matou o, o ni Perofeta. O le a matou o, o ni Faievagelia. O le a matou o, o ni Leoleo Mamoe (Faifeau), ma o ni Faiaoga foi.
- E pei ona auina atu Oe, Le ALII e Iesu, matou te auina atu foi le tasi. Ua matou faafetai atu, ona ua matou maua lena vaega o Lau Afio ia te i matou taitoatasi, e tuuina atu ai le faamalosiga ma le manuia i nisi tagata.
- Le ALII e Iesu, la e faamagalo mai ia te i matou, ona o le vā’ai mauualalo i isi, manatu faatauva’a o le tasi i le isi, ma le faa’oga seseina o mea’alofa na e tuuina mai. Faamolemole! Faafouina la matou vaai, tatalaina la matou faalogo, ina ia o matou lagona atu ai isi o matou uso–a–tagata.
- Ua matou vaavaai i le itu tauagavale, ua tagai atu i lo matou itu taumatau. Ua matou iloa atu, ua matou tatalaina atu, ma ua matou valaau atu i Aposetolo, o Perofeta, o Faievagelia, o Leoleo Mamoe ma Faiaoga.
- Ua matou tautino atu o se vaitau fou mo le Faapotopotoga a le Atua i Niu Sila nei; ua matou vaaia le galulue faatasi o nei Mea’alofa Sautualima ua auina atu i le seleselega, ua vaaia se toe faaolaola tumau ma le galuega o le faasooina ua fuafuaina mo le tele o tausaga a sau.
- O Misiona Faalotoifale/Faale–atunuu/Lalolagi I fafo:
O le Talafatai o le Motu i Sasae i Matu, ia faapena ona sasaa mai i ai au faamanuiaga, aemaise lau faauuga Agaga Paia. Ia tuuina atu Ps Sajan Easow ma faafeagaiga galulue uma o lena Pulega, ina ia i ai le puipuiga ma le faauuga a le Atua ia te i latou. Ia tatou talosia la tatou Matagaluega, ina ia avea ma sulufaiga saogalemu, e fialia ma toatele tagata e lolofi atu i ai, ma ia avea foi fanau a le Ekalesia, o ni fanau amio tausaaia ma le pulea.

Ia tatou manatua Ps Sarah Coupe, o ia o lo o Taitaia le Matagaluega a Tamaiti, faapea lana matafaioi i le faafoeina o tupe ma lafoga a le Ekalesia Aoao, i le Ofisa Tutotonu.



Aso Sa 13 Setema

ASO 14

“A o outou o le tupulaga ua filifilia outou, o tupu ma ositaulaga, o le nuu paia, ma le nuu na faatauina mai, ina ia outou ta’uta’u atu ona lelei na ia valaau ia te outou nai le pouliuli e oo i lona lava malamalama e matuā ofo ai; o e na le fai ma nuu anamua, a o ona po nei ua fai ai ma nuu o le Atua; o e na le alofaina, a o lenei ua alofaina lava.” 1 Peteru 2:9–10

Manatu Autu o Talosaga

- la taitaiina e le Agaga Paia, ma ia avea nei upu mai le 1 Peteru 2, e toe fai o se tautinoga i luga o tagata taitoatasi, o taulaga, o ekalesia ma malo...
Tuu i ai igoa o tagata, o lou taulaga/a’ai, o lau ekalesia ma malo, ma isi, i totonu o puipui [] a o e ta’ita’iina. ...Auā o outou [] o le nuu filifilia. O outou [] o ositaulaga tautupu, o le nuu paia, o le mea totino a le Atua. O le faaiuga, e mafai e [] ona faaali atu i isi le agalelei o le Atua, auā na ia valaauina outou [] nai le pouliuli, i le ofoofogia o lona malamalama ma ua ‘auina mai outou e faia galuega tetele i lona suafa matautia.
- Misiona Faalotoifale/Faale—atunuu/Lalolagi I fafo:
la tatou tuuina atu Bay of Plenty ina ia faamanuia ma liligiina mai i ai le Agaga Paia o le Atua.
la tatou ole atu i le Atua e puipuia ma faauuina Ps Dennis ma Mina Acraman ma faafeagaiga uma o lona Pulega.
Tatalo mo le filemu o Ierusalema ma le toe faaolaolaina o Isaraelu.
Ina ia taliaina Iesu o le Mesia ma le faamanatuina o le faataunuuina o folafolaga anamua i tagata lutaia.

“Ona silasila mai ai lea o leova ia te ia, ua faapea mai, Alu ia oe ma le malosi, e te laveaiina Isaraelu ai le lima o Mitiana; ou te lei auina atu ea oe? Ona faapea atu ai lea o ia ia te IA, E! Le ALII e, ou te laveaiina Isaraelu i ni a? ua topito ona faatauva’a lo’u aiga i Manase; o a’u foi, o le aupito itiiti i le aiga o lo’u tama.”
Faamasino 6:14–16

Manatu Autu o Talosaga

- Le Atua e, ia ē foa’i mai ia te i matou le alofa tunoa, ina ia tula’i mai se faatuatua malosi i la matou Matagaluega atoa. Ua matou tautino atu ‘la faamalolosi ma lototetele. Aua le fefefe ma aua le lotovaivai.’ Foa’i mai ia te i matou ni mata lelei matou te vaai ma iloa atu ai ‘O leova lo tatou Atua, o lo o faatasi ma i tatou i mea uma tatou te o i ai.’ (Iosua 1:9, Mataio 28)
- Ia tatou mataala foi i taimi uma, auā ua sili foi i latou o ia te i tatou, nai lo o e tete mai ia te i tatou (2 Tupu 6:16).
- Tamā! Faamagalo mai ia te i matou, ona o lo matou faatapula’aina o lo matou malamalama ia te i matou lava. Faamagalo lo matou faagataina o o matou faamoemoega i mea na mafai ona matou ausia mai i taimi ua mavae. E matou te faalatalata atu ia te Oe ma ole atu ma le lotomaulalo, ina ia e faailoa mai se faaaliga loloto mai Lau Afio faatasi ma lou mana i totonu ia te i matou.
- Ua matou folafola atu se vaitau fou o le faatuatua lototoa mo le misiona, e faatulai mai i loto o le au talavou ma ē matutua. O se vaitau o le ususitai ma vave ona faataatitia fuafuaga fou, i le musumusuga a le Agaga Paia, ma le faatagaina o le mana o le Atua e tafe mai ia te i tatou.
- Ua o tatou alaga atu i lo tatou Atua, o IA o le malosiaga ma le talita a le Faapotopotoga a le Atua i Niu Sila nei. O le ALII o le Seleselega, o lē e leoleoina i tatou i le ao ma le po, o taitaia ma taialaina i tatou, ao i ai i le faaluaina o o tatou tulagavae a o lei oo atu i le 2033.
- Misiona Faalotoifale/Faale–atunuu/Lalolagi I fafo:
Ia tatou tuuina atu Waikato ina ia faamanuia ma liligi mai i ai le Agaga Paia o le Atua. Tatou siitia atu i le Atua Ps Liz Brandon ma faafeagaiga galulue uma o lena Pulega, ina ia i ai le puipuiga ma Lana faauuga ia te i latou. Tatalo mo Ana faamanuiaga, o Lana faalototele, o Lona tamaoaiga ma le poto; mo lo tatou Sui o le Komiti Faafoe ma le Taitai o Ekalesia Tonga, Ps Anahina ma Vosilangi Sikalu.
Ia faaluaina faamanuiaga a lo tatou Atua i luga o ekalesia a o tatou uso Tonga, faapea le sa’olotoga e faaauuina ai le faatutuina o ekalesia fou.




Aso Lua 15 Setema

ASO 16

“E malosi le na te togiolaina i latou, O leova o ‘au o lona suafa lea; E matua faia e IA la latou finauga, Ina ia faanofofilemuina e IA le lalolagi, la faagateteina foi e o nonofo i Papelonía. Le ALII e, Iesu, faafetai mo mea uma ua e faia mo i matou. Ua e faamamāina i matou i lou toto, ua e faapa’i i o matou laugutu se malala ola, ma ua e faamalolosi ai i matou. Ua matou talia le vala’au; ua matou talia tiute tauave; o i matou o lou nuu ua e vala’auina i lou suafa.” Ieremia 50:34

Manatu Autu o Talosaga

- O matou o le Faapotopotoga a le Atua i Niu Sila nei, matou te faamaulalo atu ma matou tatalo atu i Lau Afio. Ua matou ifo atu ma saili atu i ou fofoga alofa. Ua matou liliu ese mai i o matou ala leaga mai mea uma faalelalolagi, o mea leaga ma uiga faatemoni. Ao lou alofa mutimutivale, ua e faafofoga mai le lagi, a o matou alalaga atu mo i latou ua e auina atu i ai i matou.
- Faamolemole! Faamagalo a matou agasala ma toe faafoisia mai lo matou laueleele. Ia sisila mai ou fofoga ma e lagonaina lo matou augani atu, e ala ia matou talosaga ua matou ole ma valaau atu ai.
- Ua matou folafola atu le Agaga o le Poto mai lugā mo ta’ita’i o la tatou Matagaluega Aoao ma lo tatou malo. E aumaia e le Agaga Paia le poto e muamua ona mamā, le alofa e filemu, o le agamalu i taimi uma, ma naunau e gauai atu i isi. O le poto e tumu i le alofa mutimutivale ma le fua o galuega lelei. O le poto e lē faailoga tagata ma e faamaoni pea (Iakopo 3).
- Misiona Faalotoifale/Faale-atunuu/Lalolagi I fafo:
la tatou tuuina atu Aukilani, ina ia faapena ona liligi mai ana faamanuiaga, aemaise le faauuga a le Agaga Paia, i lana aufaigaluega galulue uma.
la tatou talosia Ps Binuraj ma Chris Sola ma faafeagaiga galulue uma o lena Pulega, ina ia i ai le puipuiga ma le faauuga a le Atua ia te i latou. Tatalo mo Ana faamanuiaga, o Lana faalototele, o Lona tamaoaiga, ma le poto uma lava ia Ps Binuraj, o le Taitai a o tatou uso mai Initia.
la faapena ona faaluaina ana faamanuiaga i luga o a tatou Ekalesia Initia uma, ma ia i ai le saolotoga e faaauauina ai pea le faatutuina o a latou ekalesia fou.



Aso Lulu 16 Setema

ASO 17

“A o oe Isaraelu e la’u auauna, o oe lakopo e, le na ou filifilia, o le fanau a Aperamo la’u uo; o oe le na ou aumaia i tuluiga o le lalolagi, na a’u valaauina foi oe i ona itu mamao; na ou fai atu foi ia te oe, O oe o la’u auauna, o le na ou filifilia, ou te lei lafoaiina oe. Aua e te fefe, auā ou te ia te oe; aua le fetepatepai, auā o a’u o lou Atua; ou te faamalosia oe; e moni, ou te fesoasoani ia te oe; e moni, ou te taofia oe i lo’u lima taumatau e i ai le amiotonu.” Isaia 41: 8–10

Manatu Autu o Talosaga

- Le Atua e, matou te faafetai atu ona o le ofoofogia o lou faamaoni tele i le Faapotopotoga a le Atua i le lalolagi atoa. Ma le alofa tunoa faatasi ma le lotogatasi, e tatou te vaavaai faalemafaufau ai ia te i tatou lava o le a faaluaina i le tausaga 2033.
- Ua matou toe vaavaai atu ia te Oe, ma ole atu mo le malosi ma le faatuatua, e faaluaina ai Ou tulagaaoa i le lalolagi atoa. Lo matou Atua e, ua matou faalagolago atoatoa atu ia te Oe. Faamalosia i matou ma ia matou agai i luma i le tele o mea e sili atu nai lo o manatu sa mafaufauina. Ua matou matua manaomia lava lou mana i totonu ia te i matou. Faafetai atu ia te Oe ona na fanau mai la matou Matagaluega i se toe faaolaolaina na toe liliu ai lo matou atunuu. O le asō, matou te tautino atu ma le lotomaulalo, o le toe faaolaolaina, o se mea ua masani ai i matou. O le mana faale–Atua ma faailoga o vavega, o le faasinomaga lea o i tatou. Ua matou faatagisia Lau Afio ma ole atu ia te Oe, ina ia e faaaoga i matou e suia ai lo matou atunuu. Faaolaolaina i matou, le Atua e, ‘E le o le malosi po o le mana, a o Lou Agaga’.
- Misiona Faalotoifale/Faale–atunuu/Lalolagi I fafo: la tatou talosia Northland, ina ia liligi mai ana faamanuiaga, aemaise le faauuga a le Agaga Paia. Tatou tuuina atu Ps Shaun Foster ma faafeagaiga galulue uma o lena Pulega, ina ia i ai le puipuiga ma le faauuga a le Atua ia te i latou. Tatalo mo Ana faamanuiaga, o Lana faalototele, o Lona tamaoaiga, ma le poto uma lava ia Ps Solo, ma Wati Stark, le Taitai a ō tatou uso mai Fiti. la faalua ifo Ana faamanuiaga i luga o Ekalesia uma a Fiti aemaise le saolotoga e faaauuina ai pea le toe faatutūina ai o nisi Ekalesia fou.

TATALO MA LE ANAPOOG




Aso Tofi 17 Setema

ASO 18

“Ua ou iloa le mativa, ua ou iloa foi le mauoa, o i mea uma lava ou te i ai, ma mea uma e oo ia te au ua a’oa’oina ai a’u ia ou ma’ona, ma ou fia ‘ai, ia faulai mai mea, ma ia oge mea. Ou te mafaia mea uma lava i le faamalosi mai o Keriso ia te au.” Filipi 4:12–13

Manatu Autu o Talosaga

- Le Atua e, lo matou Tamā, matou te tatalaina pea o matou loto ina ia faaaauu pea ona talia mea na e manavaina mai i le faaaliga i le MM33. Faafetai mo le loto e tasi ma le maliliega na faaaliga e ala i le tali “ioe” mai a Ekalesia a le Faapotopotoga a le Atua i soo se konitineta.
- E matou te faafetai atu Tamā ona o taimi faapenei, e tatau ona i ai so matou sao e fai. O se taimi e foliga mai ai e lelei mo i matou ma le Agaga Paia, i le faalauteleina ma le loto i ai, o se gaioiga faavaomalo i aai/o taulaga/o nuu ma atunuu uma o le lalolagi atoa.
- Ia tatou tatalo ia siitia maualuga le satauro o Keriso, i la tatou Matagaluega i Ekalesia taitasi. Ia sili ona sosolo atu lou alofa i pitonuu uma taitasi. Ia faaaauuina pea ona tuputupu a’e i le poto ma le malamalama faaleagaga. Ina ia e faatupuina i matou i le malamalama i mea e sili atu ona taua ia te Oe Tamā, a o matou tumau i le lotomaulalo. Ina ia matou ola ma le faamaoni, i le mamā ma le lē pona se’ia oo i le aso e toe afio mai ai Keriso.
- Agaga Paia e, o le Agaga o le misiona, ma le Agaga o le mana, matou te faafetai atu mo le faamaoniga o lou faatasi mai ia te i matou, i soo se mea e auina atu i ai lau fanau. Foa’i mai ia te i matou le lototele e folafola atu ai lesu ma faia faailoga e faaaliga ai lou malo.
- Misiona Faalotoifale/Faale-atunuu/Lalolagi I fafo:
Tatou siitia atu i le Atua tupulaga talavou uma, i totonu o la tatou Matagaluega Aoao. Ina ia tulai mai nei talavou i totonu o Aotearoa nei, o ni talavou e le fefefe; o se autau malosi i le faauuga a le mana o le Agaga Paia; aemaise se alofa uiga ese ia lesu lo tatou Faaola, e le solomuli gofie ai, ae tulai ma le lototoa e taitaia le au.
Ia tatou tuuina atu i le Atua Ps Jamie ma Rebekah Chapman, ina ia liligi mai i ai ana faamanuiaga a o la Taitaia ai le Fearless (Le Au a le Tupulaga Talavou).
Tatalo mo Ana faamanuiaga, o Lana faalototele, o Lona tamaoaiga, ma le poto uma lava i le Taitai o le Atu Kuki, o Ps Ani ma Reea Tangimataiti. Ia faalua au faamanuiaga i luga o a tatou Ekalesia uma a le Atu Kuki aemaise le saolotoga e toe faatutūina ai nisi Ekalesia fou.



“Amuia le tagata e le savali i le filifiliga a e amio leaga, e le tu foi o ia i le ala o e agasala, e le nofo foi i le nofoa o e tauemu; a e naunau o ia i le Tulafono a leova; e mafaufau foi o ia i lana Tulafono i le ao atoa ma le po. O ia foi e faapei o le laau ua toto i tafatafa ane o vaitafe, e fua mai ona fua i ona lava tau; e le toulou foi ona lau; e manuia foi mea uma na te faia.” Salamo 1:1–3

Manatu Autu o Talosaga

- Le ALII e, Iesu, matou te ole atu ina ia maua pea e le Faapotopotoga a le Atua, le Matagaluega a Niu Sila le malosi mai i Lau Afio i le ao ma le po.
- Matou te folafola atu le tatalaina mai o se malosiaga fou i le misiona e pei o se matagi i totonu o a tatou ekalesia. Ina ia tatou iloa ai o ni atalii ma ni afafine na auina mai e lo tatou Tamā i le lalolagi ua masofasofa.
- Lo matou Atua e, matou te naunau ia fua mai i galuega lelei uma, ma ia tuputupu a’e faatasi i lo matou iloina o Oe, o le Atua o le Misiona. Matou te ole atu ina ia e faamalosi i matou i le malosi, e tusa ma le mamalu o lou mana, ina ia mafai ai ona matou maua le loto onosai, ma le olioli aemaise le agaga o le faafetai i Lau Afio. Ua matou olioli ina ua e aumaia le agavaa ia te i matou e avea ai ma tagata faigaluega mo le seleselega, o e ua tofusia faatasi i le tofi o le au paia i le malo o le malamalama (Kolose 1).
- Misiona Faalotoifale/Faale-atunuu/Lalolagi I fafo:
la tatou tatalo mo Ps Peter Tate, o le Faatonu o le Chaplaincy, o ia o lo o lagolagoina le matafaioi a faifeau galulue i falefaigaluega.
la tatou faatagisia lo tatou ALII, o IA o le ALII o le Seleselega, ina ia maua e tagata uma o la tatou Matagaluega Aoao, le misiona i totonu o o tatou falefaigaluega.
Tatou tuuina atu totonu o potu o lo o malolo i ai tagata faigaluega a Niu Sila, ina ia mafai ona avea ma potu e faasoa atu i ai le suafa manumalo o lo tatou ALII Faaola o Iesu, e avea o se vai malu e pai atu i sē o fia maua le fesoasoani. Tatalo mo Ana faamanuiaga, o Lana faalototele, o Lona tamaoaiga, ma le poto uma lava i Sui o le Komiti Faafoe, o Ps Mike ma Michelle Coe.
Tuuina atu le alofa tunoa ma le pule e faatulai ma faasaoloto ai tagata mo le faatutuina o ekalesia i soo se vaega o le atunuu.
Tatalo mo ana faamanuiaga, o Lana faalototele, o Lona tamaoaiga, ma le poto um Ana lava i le Taitai o o tatou uso Korea, o Ps Ho Min Kim.
la faalua Ana faamanuiaga i luga o a tatou Ekalesia Korea uma, ma ia maua le saolotoga e faaauauina ai le faatutūina o nisi ekalesia Korea i totonu o Niu Sila nei.



“Na ou aioi faatolu atu i le ALII ona o lea mea, ina ia alu ese ia te au. Ona faapea mai ai lea o IA ia te au, O lo’u nei alofa tunoa e lava lea e fesoasoani ia te oe; auā o le vaivai e faaatoaina ai lo’u mana. O lea ua tele ai lava lo’u fiafia i le mitamita i mea ua ou vaivai ai, ina ia tumau i o’u luga le mana o Keriso. O lea ou te fiafia ai i mea e vaivai ai, o le faaleaga mai, e malaia, o le agatele mai, o le atuatuvaletu ona o Keriso; auā pe a ou vaivai, ona ou malosai ai lea.”

2 Korinito 12:8–10

Manatu Autu o Talosaga

- Le ALII e Iesu, ou te tootuli ifo i o’u tulivae, ma ou faafetai atu ona o lou silasila mai i lo’u vaivai ma e fetalai mai ia te a’u, “Sau, mulimuli mai ia te a’u, ou te faia oe ma faifaiva i tagata.” Le Tamā o i le lagi, ia afua ona tula’i mai le agaga o le faatoga, ma tu i le va mo isi, ma totoina le alofa loloto i la matou Matagaluega Aoao. Ina ia aua nei taofia ai le tatalo o le tasi mo le isi, i tulaga faigata, ma soo se faafitauli.
- Ia tatou fefaamalosia’i pea e ala i le faae’e o lima. Ia atoatoa ona iloa lelei o Lona finagalo, e ala i le poto ma le malamalama faaleagaga (Kolose 1:9).
- Ua faamagaloina e le Tamā lo tatou musua e tatalo, ma le faalagolago ia te i tatou lava i taimi ua tuanai. Ia toe faaali mai ia te i matou le ala e tootuli ai i ou luma, Le Tamā e, o lē ua maua mai ai e Lou aiga uma i le lagi ma le lalolagi o latou igoa.
- Ia foai mai i la tatou Matagaluega Aoao se alofa tunoa fou, e tatalo ai le tasi mo le isi... ia tatalo pea lava pea “ina ia faamalosia mai e IA i tatou i le malosai atoatoa, e tusa ma le tele o Lona mamalu ma Lona Agaga, ina ia afio ai Keriso i o tatou loto, ona o le faatuatua” (Efeso 3)
- Tatou tatalo ina ia mauaa ma faatumauiina le Faapotopotoga a le Atua i Niu Sila nei, i le alofa o le Atua, ma ia maua le mana, faatasi ai ma le ‘au paia uma i le lalolagi atoa, e malamalama ai i le uiga o le lautele, ma le umi, ma le maua luga, ma le loloto o le alofa o Keriso, ma ia iloa lenei alofa e silisili ese e le mailoa, ina ia faatutumuina i tatou i le tumu uma lava o le Atua. (Efeso 3:18)
- Misiona Faalotoifale/Faale-atunuu/Lalolagi I fafo:
Tatalo mo Ana faamanuiaga, o Lana faalototele, o Lona tamaoaiga, ma le poto uma lava i la tatou Failautusi Aoao, ma lē o lo o faauluulu i ai le polokalame o le MM33, o Ps. Darren ma Sharon Gammie.
Tatou faafetaia le Atua ona o i latou uma o lo o galulue ai i la tatou Ofisa Tutotonu, o Ps. Darren ma le aufaigaluega: O Ani, o Sarah, o Edwina, ma Angela. Ia i ai Ana faamanuiaga, o Lana faalototele, o le loto onosai, o le malosai ma le poto uma lava, a o latou o auauna ma lagolagosua i le galuega.



“Ua mavae foi ona fetalai atu o le ALII ia te i latou, ona aveina ae lea o IA i le lagi, ona nofo ai lea o IA i le itu taumatau o le Atua. Ona latou o atu lea, ma tala’i atu i mea uma; ua galue faatasi le ALII ma i latou, ma ua faamanuia le upu i faailoga ua mulimuli ane ai. Amene.” Mareko 16:19–20

Manatu Autu o Talosaga

- Le ALII e, Iesu, matou te taliaina le galuega ua e tuuina mai ia te i matou. Matou te olioli ona ua e saunia se nofoaga mo i matou, ma o lo o e tatalo pea mo i matou. Matou te alalaga atu “Afio mai!” ma le naunau tele atu i lou toe afio mai ma le manumalo, faatasi ai ma lau pule e leai se isi e mafai ona teteaina. Matou te ole atu i Lau Afio, ia e toe faafouina lo matou lototele, mo galuega ua e atofaina ai i matou, talu mai le faavaeina o le lalolagi.
- E toe faapea atu, matou te tautino atu ...
“o le a sili atu le faaluaina i le lautele o le a’apa atu ma le aafiaga lelei o le Faapotopotoga a le Atua i Niu Sila (Aotearoa) i le tausaga e 2033, ma o le a avea la tatou Matagaluega ma faamanuiaga i isi punavai i Aotearoa nei”.
- Misiona Faalotoifale/Faale-atunuu/Lalolagi I fafo:
la tatou tuuina atu i le Atua le toe faaolaolaina i totonu o Niu Sila nei, aemaise o se gaoioiga a le Atua e le’i va’aia muamua.
la vaaia ma pulea e Ekalesia Kiwi le galuega na tu’uina mai e Iesu... ia faia ni soo e naunau e auina atu i o latou nuu ma atunuu.
la tatou tatalo mo Ana faamanuiaga, o Lana faalototele, o Lona tamaoaiga ma le poto mo Ps Paul White le ua avea ma Faatonu o Misiona Faavaomalo.



“O lenei, ia ia te IA na te mafaia ona leoleo ia te outou ina ne’i pauu, ma tuuina atu ia te outou ua le ponā i luma o Iona lava mamalu ma le fiafia tele, ia i le Atua poto e toatasi o lo tatou Faaola, le viiga ma le mamalu, o le malosi ma le pule, i nei ona po, ma ia oo i le faavavau lava. Amene.”
(Iuta 1:24-25)

Feedback - Suddenly God

Because of Prayer, God is moving in SUDDENLIES! Share your ‘Suddenly God answers’ with us to Encourage, Build and Strengthen our Movement and each other. Thank you for praying together with us for 21 Days. Email us at agnznationalprayer@gmail.com

Seedtime and Harvest

*Our goal is to raise up an eco-system of 24/7 prayer throughout the movement in New Zealand and Oceania. Every mission has costs attached. We are careful stewards and invite you to sew into the work that God is leading us to facilitate and say YES to. Thank you
Account details: Assemblies of God NZ Inc. 03-0196-0120003-001*

Website

Website:- To learn more, find resources and get translations of this Guide in other languages, go to www.agnz.org/prayer-initiative